



Napaartoq Petrussen
Inatsisartunut ilaasortaq

§ 37 naapertorlugu apeqqummut 191-2025-mut akissut: Inuussutissarsiortunut innaallagissap erngullu akiinik akikilliliinermik aaqqissuussinerit

02-01-2026
Sags nr. 2025 - 878

Asasara Napaartoq Petrussen

Postboks 930
3900 Nuuk
Tlf. (+299) 34 68 00
Fax (+299) 43 02
E-mail: asn@nanoq.gl
www.naalakkersuisut.gl

Inatsisatut ingerlatsinermut maleruagassaanni § 37 tunngavigalugu Naalakkersuisunut apeqquteqaatigaat aalisakkanik suliffissuarnut innaallagissamut imermullu akikilliliiffiqeqartarnermik aaqqissuussinermut assingusumik inuussutissarsiortut allat periarfissaqarnerisut.

Apeqqutitit uannut akisassanngortinneqarput. Apeqqutigisatit ataasiakkaarlugit kinguliini issuarneqartassapput akineqartassallutillu.

Apeqqut 2 pillugu erseqqissaasoqarsimanngilaq 2026-mi januaarip aallartinnerani.

Apeqqut 1: Naalakkersuisut naleqquttutut isiginerpaat inuussutissarsiortut allat, tassunga ilanngullugit aallarnisaasut suliffeqarfiillu mikinerusut, aalisakkanik suliffissuarnut aaqqissuussisimanertuulli pineqarnissaat, aaqqissuussineq malillugu suliffeqarfiit tunisassiornerminni pilersuinnerminnilu innaallagissamut imermillu aningaasartuutimik 50 %-iinnaanik akiliisarlutik?

Naalakkersuisunit tunngaviatigut suliniutit pitsaasut tapersersorniartarpagut, namminersortut akornanni siuarsaanermut ineriartormullu iluaqutaasut, tassunga ilanngullugit aallarnisaasut suliffeqarfiillu mikinerusut.

Pingaartuuvorli maluginiassallugu akikillisaaffiqeqartarnermik aaqqissuussineq maanna aalisakkanik suliffissuarnut nunamiittunut atuuttoq ullumikkut aningaasalersugaammat Nukissiorfiit isertitaat allat aqqutigalugit. 2024-mi akikillisaatit nalingat 43,3 mio.kr. -upput, tassaallutik Nukissiorfiit isertitaannit annaasat. Tamanna ima paasisariaqarpoq aningaasartuut naggataagut atuisunit allanit tamanit akilerneqartarpoq ilutigisaanillu Nukissiorfiit aningaasaqarnerannik nanertuilluni.

Taamatut nutaamik aaqqissuussisoqassappat aallarnisaasunut suliffeqarfinnullu mikinerusunut atuuttussamik aningaasalersueriaatsimik allamik atuisoqartariaqarpoq,

Nukissiorfiit aningaasaqarnerannik ajorseriartitsinngitsumik imaluunniit akigititanut atuisunut atuuttunut allanut sunniuneqanngitsumik.

Naalakkersuisut maanna suliarat siuarsaanissamut inuussutissarsiornermullu periusissiaq, tassanilu suliniutit nutaat arlallit naliliiffigissavagut aallarnisaasunut iluaqutaasussat, tassunga ilanngullugit iluarsartuussinissamut, allaffissornikkut oqilisaaffigineqarnissamut niuernermullu tunngasutigut iliuusissanut periarfissat.

Apeqqu 2: Naalakkersuisut eqqarsaatersuutigerusussinnaanerpaa piffissamut aalajangersimasumut killeqartinneqartumik akikillisaammik pilersitsisinnaaneq, maannakkut aalisakkanik suliffissuarnut aqqissuussinermut assingusumik, suliffeqarfinnut imminut pilersornermik, piujuartitsinermik atoqqiinnermillu aallaaveqarluni aningaasarsiornermik suliaqartunut?

a. Naalakkersuisut aningaasatigut allaffissornikkullu suut taamatut aqqissuussinernup Nukissiorfinnut Aningaasanullu Inatsimmut kingunerisinnaasaattut nalilerpaat?

Aalisarnermut, Piniarnermut, Nunalerinnermut Imminullu Pilersornermut Naalakkersuisoqarfinnit paasissutissiissutaavoq Imminut pilersornermut periusissiaq 2025-2030-mut atuuttussap suliarineqarnissaa.

Ilutigisaanik 2026-mi Aningaasanut Inatsimmi immikkoortinneqarsimapput ukiumut 1 mio. kr.-t, piffissami 2026-2029-mut atuuttussamik inuussutissarsiornermi siuarsaanermut atorineqartussat.

Apeqqu 3: Naalakkersuisut qanoq nalilerpaat aalisakkanik suliffissuarni atugassarititaasut pitsaasut attatiinnarneqarsinnaanerit, ilutigisaanillu inuussutissarsiutit nutaat pitsaasumik periarfissaqartinneqarnermikkut ineriartorsinnaanerit taamalu inuiaqatigiit aningaasarsiorneranni napatitseqataalerlutik?

Pingaartuuvuq, aalisakkanik suliffissuarni, tassunga ilanngullugit sinerissap qanittuani aalisartut amerlasuut aamma nunami tunisassiorfiit aalajaatsunik siumullu takuneqarsinnaareersunik atugassarititaasutigut sinaakkutassaqaartitaammata. Aalisakkanut suliffissuit nunap aningaasaqarneranut suli nammattuusussaapput taamaattumillu aalaakkaasumik ingerlanissat pingaaruteqarluni.

Ilutigisaanik politikikkut anguniagaavoq inuussutissarsiutini nutaani ineriartornerup nukittorsarneqarnissaaq, soorlu imminut pilersornerup iluani. Inuussutissarsiutit arlallit kattullutik ineriartorsinnaapput. Naalakkersuisunit takujuminaatsinneqarpoq inuussutissarsiutit ilaasa illuartinneqarnissaat allat inerisarniassammata. Siuarsaanissaaq inuussutissarsiorterlu pillugit periusissiassami ilaatigut anguniartussaavarput suliniutit nutaat aallartisaanermik ikorfartuisuunissaat, tassunga ilanngullugit iluarsartuussineq, allaffissornikkut oqilisaassineq aamma niuernermut tunngasutigut suliniuteqarnissaaq.

Apequt 4: Naalakkersuisut oqaluuserisassamut soqutiginaatilinnik allanik paasissutissiisinaanerlutik?

Naalakkersuisunit erseqqissaatigissavarput inuussutissarsiorterlu ingelatsisunut nutaanillu inuussutissarsiutini aallartisaasunut atugassarititaasunut sinaakkutissanik ataavartumik nukittorsaanissaaq suliarigatsigu. Suliamut ilaatigut ilaapput ilisimasanik katersineq, sunniutaasinnaasut assigiinngitsut suliffeqarfinnut sunniutaat pillugit.

Inussiarnersumik inuulluaqqusillunga
Med venlig hilsen



Naaja H. Nathanielsen

Inuussutissarsiorterlu, Aatsitassanut, Nukissiutitut, Inatsisit Atuutsinneqarnerannut
Naligiissitaanermullu Naalakkersuisoq
Departementet for Erhverv, Råstoffer, Energi, Justitsområdet og Ligestilling